

廣陵先生文集

二



廣陵先生文集目錄

卷六

日蝕

送曹杜赴試禮部

一本作送曹杜二君杜名照字師雄

遊蔣山作

對竹

暮行

野步

古風

蘄口道中

三首

贈廬山老居訥

旅次寄寶覺訥師一本作旅次寶覺寄訥師

寄呂惠卿吉甫呂詩附

答逢原

寄崔伯易

寄孫莘老

夏日平居奉寄崔伯易兼簡朱元弼

效古

送朱明之昌叔赴尉山陽

學子

出門

雜詩一云占人

寄滿子權

梅花

金山

客次寄王正叔

南山雪

廣陵先生文集卷六

逢原王令著

日蝕

錢塘山人大署壁曰十月朔日旦蝕坐者跳起行者留
愚聞之驚智爲惑我時過市偶自停眈兩目視闢耳聽
自嗟身賤不有位安得置此誅四刑惟此丙申日在未
天面黯鬱昏不霽舉頭仰日已半虧羣陰得志雲不披
塵函欲開鏡尙掩誰把白璧塗之泥大哉玄象浩一本作號
難測安有庸人以術得天乎反成監子名不念吾皇禳
以德吾聞日名爲大明光一自出滅月星今乃爲之戕
薄蝕安得君子不爲小人乘

送曹杜赴試禮部

一本作送曹杜二君杜名照字師雄

霜風琅琅鳴鼓輦烏寒夜噪樹折枝居者不出行者歸
廐馬解銜車棄脂長河夜冰船就維百賈晏起朝閉扉
爲問當今行者誰出門千里到何時母送拊背父歎嘻
兒惜欲去哭挽衣上馬反顧紛涕洟非所願欲去何爲
家雖有田豐歲稀所得償公不及私況望羶腥事庭闈
結髮從學今十朞始自有志徇孔姬豈願從世成依違
高堂華髮紆素絲暮年待子爲光輝望我日久莫報之
苟得一笑辱弗辭況望舊本作得三釜家無飢吾於二子久
所知怪其才高所就卑今乃語此誠可悲近聞天子愛
典彝欲撥舊冗收新奇子行出仕適其期驂騑得路無

銜羈罷酒行矣無自遲去取天寵酬親慈

同孫祖仁王平甫遊蔣山作

山形鬱盤陀石路隨直紆

一本作迂

蔭松坐與長飲泉百煩

除憶望江上樓采翠橫晴虛愛之不能去取席卧與俱

若逢佳賓客不假外禮拘意愛交自然笑語略可無常

思一往遊杖屨窮昏

一本作朝

晡忽從賢豪招氣類喜不殊

更以肴酒隨傾瀉談笑餘仰躋蒼崖巔下視白日徂夜

半身在高若騎箕尾居懽餘悲感集論說追古初在昔

天下衰羣姦起相屠相地視八極懷險歸此都全吳旣

臣魏餘晉仍避胡此山古所瞻形勢高四隅遊者昔爲

誰名字不見書想當出塵樊盤礴望八區固宜有高興

何亦忘滯濡憶在初元年虎狼出當塗眾豪泣相盟萬
甲聚一呼樓船下三江千里懸旌旗忠謀屈巨猾弱力
張遠圖乞靈訴明神至此嘗踟舊本作躊想當得請初勝
勢先羣誅雖時幸成功偏仄已可吁豈無當時人縮伏
巖下廬約身甘賤貧卑勢無憂虞坐視擾擾中同爲禍
福驅我當明時來木石聊自娛遺祠今莫問故邑已成
墟歸謝山下民相期在犁鋤

對竹

竹風何撩

一本作寥

蕭畫靜發寒籟脩纖諤天官揚揖縱玉

佩豈無俗子過自令幽人愛心虛中養恬節密外禦介
春萌喜含養夏籜竟分解無花與物爭有蔭亦人賴威

威南山鳳爾飛何時屆

舊本作戒

道遠寧不飢寒枝久虛待

豈非繒繳虞安有羽翮億當奈葉閒蟲蠹爾所食壤

暮行

晴煙去人高暮色上天半山銜日入深雲
星出緩塗

昏歸鞍長林近去翎短悠悠宵偃慵衍衍
暮行款南城

岌高躋近野匝四坦來期遐思舒暮會所見
罕星星颭

風鐙歷歷吹月琯

一本作管

靜樂遺世喧清思破塵嬾心通

江海浮

舊本作清

氣塞天地滿茲興將誰同

舊本作同誰

兒輩未

宜算

野步

久嬰末俗喧脫

舊本作去

就綠野靜方求巾屨便那暇賓客

命林紅落春衰草

舊本作桑

綠爭夏盛時從老農語久伫行

子聽謂言勞苦後各以

一本作相與

閑暇慶時逢瓶盎沽亦

有肴核稱喧嘲忽無次歌唱仍相詠酒闌紛起坐白髮

忽

一本作或

兩凭兒乘旁樹嬉牛卧前籬暝子方困俗累愛

此近天性何當從之歸買舍與相並

古風

古風何寥疏世方盛夸慕利塗劇先趨直軌迷曲駐渾
渾九河翻仡仡百川注分爭或多歧歛枕纔一趣睢盱
承至歡讐疊謝絕怒財得升斗多勉售形骸雇不知萬
鍾得孰與一日裕況承正山羞願易頃刻遇誰能脫近
役自放就遐鶩航湖足菱魚拔野厭芼茹行招千古遊

坐與來世語延風做虛襟揖月坐嘉樹此意固有然本

作自有尙童兒未堪預

蘄口道中 三首

舟行邈棲遲江流滴排蕩魚驚躍或出鷺下飛何颺交

游偶相捨偃息聊自放回首失匡廬雲霏暮方上

稍稍一本作稍稍江上雨聲入窗壁寒悄悄舊本作帽舟中人曲

肘自枕眠安卧不成寐起坐浩長歎離家日逾百行路

忽已千昔與燕俱來今見北鴈還道里苦不通寄書如

棄捐風水相噴薄歸期渺無端空令秋夜夢反覆如循

環

維舟泝江流人力與水爭回視東下人恍如御風行誰

能倒長江奔瀉暫西傾聊用快客意何憚魚龍

舊本作鼉驚

贈廬山老居訥

訥公匡廬老詩句整以雅標韻樂天漳不肯外禮假所
居遠城市絕俗就閑暇岡崖道路惡亦爲佳客下余雖
昔所聞相見今乃乍愛其語言好超絕忽世跨馬昇就
其居鐙火共清夜惜不見其壯已老吁可訝高才可施
用售世嗟無價臨別更何論其是忘言者

旅次寄寶覺訥師

一本作旅次
寶覺寄訥師

小雨破宿暑曉風忽焉道山深樹翳陰蜩蛩應已秋清
坐想高絕語言誰應酬豈不念一往抱病終自留羈旅
少往還有來或非傳命僕一謝之縱我冠屨休移牀上

高堂解書散牀頭於此有嘉興念世誰與謀獨思山林

人

舊本作
林下人

茲意可綢繆何當買田廬共遂正壑遊

寄呂惠卿吉甫兼簡林伯通

呂詩
附

踈踈門外馬客至知謂

一本
作爲

誰昔面尙未逢那論心相

知揖客拜上堂

一本作
客揖上堂

謝客辱弗遺寒暑相問酬唯

諾坐無爲靜默近尤怨多言足瑕疵

一本
作疵

勉從客所論

還顧所學非念此廢無益對書坐長嘻

一本作
無益廢書坐長

嘻

獨思同懷子念遠莫見之豈無寄我書歲晚得苦遲

聞頗困王事豈無閑暇時況有同僚賢相期在書詩人

生天地閒常苦食所縻去就兩莫謀會合寧有期余病

不自樂舊學益以隳

一本作
日益隳

近者非所同遠者勞夢思

江水日夕東道塗宛而夷寄書當在勤無謂還往稀

答逢原

呂惠卿

晨出趨長司跪坐與之言偶然脫齟齬相送顏色溫
歸舍未休鞍簿書隨滿門相仍賓客過敲午僅朝殮
平生性嬾惰應接非吾真況乃重戕賊良氣能幾存
就夜甫得息閱我几上文開卷未及讀睡思已昏昏
自知小人歸昭昭復何云每於清夜夢多見夫子魂
側耳聽高議如飲黃金罇覺來不得往欲飛無羽翰
昨日得子詩我心子先論怪我書苦遲友道宜所敦
豈不旦夕思實苦案牘繁豈無同官賢未免走與奔
相見鞅掌閒有言無暇陳嗟嗟茲世士無食同所患

念我力難任聞子謀更艱久知爲之天安能怨窶貧
吾聞君子仕行義而已焉亦將達吾義肯遂爲利牽
東海有滄溟西極有崑崙古來到者誰不過數子尊
子已具車航吾亦爲楫輪欲一從子遊不知何時然

寄崔伯易

擾擾閭巷士過我何所爲屢來徒我煩不來我弗思少
年樂知聞喜與客子隨晚歲事恬默與世益參差騎馬
出尋人中路輒自歸歸來亦何樂書史自相期已與往
者親可無茲世違欲語無所得起視北鴈飛念子遠千
里昔別今已葦寄聲雖云多所得竟亦稀近者忽報書
期我往就之不知子苦窮繫此不可離尙迫朝暮憂寧

有道路資人生少所同老去財幾時予勢旣若此子復不肯來但恐百年間齟齬終莫齊詩以寄子招亦以寫我悲

寄孫莘老

默默不自得勞勞非所任不與君子逢誰復明此心偶客來自南口有千里音知無木索勤頗復山水吟對之爲一笑欣如獲千金宣城風物佳古語昔已忱太平又其右道塗邈幽深溪流渺彎環山勢屹抱臨況復寂寞人黃綬事陸沈公田秣旣收客席酒屢斟悔予昔南浮不往一就尋波濤忘日月疾病廢古今歸來就羈銜外慮日已侵適時媿非才對客輒自瘖譬如火灸一本作炙膚

暫忍久莫禁唯思百畝田爲可足釜鬻投身脫世籍歛足蹈古箴寄言所同懷相期在中林

夏日平居奉寄崔伯易兼簡朱元弼

天風變春和晝日差夏永門闌

一本作庭

閉無事燕雀去益

靜紛翻詩書帙棄散嬾收整時來就枕卧復可取窺省

心恬逐物閑迹闊與世屏鮮鮮南山暖秀色上修嶺

一本

作穎苟嫌

一本作逃

安坐慵還可

一本作與

遠遊騁自緣智能薄反

得閑暇幸交朋久相遠疏嬾欲誰警

憮憮庭下樹陰影日已敷癰癰閉門人簟席自卷舒高

枝就懸冠曲枝掛裳裾

一本作儒

還來從此息卧視詩與書

桓桓門外客從徒駕驪駒不知來何聞

一本作爲

乃肯顧我